



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Cesaravgstano Et Tyrasonensi Episcopis, & R. Lain Archidiaconi Iaccensi
Oscensis diocesis.

urn:nbn:de:hbz:466:1-20020

curavimus auctoritate apostolica confirmare. Quocirca fraternitati *vestrae* per apostolica scripta mandamus quatinus si quis predictas nobiles super bonis predictis presumperit temere molestare, vos illum a presumptione sua per censuram ecclesiasticam sublatu appellatiois obstaculo ratione prævia compescatis. Quod si non omnes &c. nihilominus exequantur. Datum Laterani Non. Octob. pontificatus nostri anno quartodecimo.

*P R I O R I E T C O N V E N T V I
sancti Vincentij Vlixbonensis.*

*Epist. 119.
Confirmatur
compositio fa-
cta cum Epis-
copo Vlixbo-
neensi.*

Cum à nobis petitur quod justum est, & honestum &c. usque effectum. Ea propter, dilecti in Domino filij, &c. usque afferenti, compositionem quam dilecti filij F. Prior & P. Cantor Alcobatæ judices à sede apostolica delegati super libertate, exemptione, ac aliis rebus monasterij vestri inter vos & venerabilem fratrem nostrum Episcopum Vlixbonensem fecerunt, sicut sine pravitate provide facta est & ab utraque parte sponte recepta, & in eorum authentico continetur, auctoritate apostolica confirmamus & presentis scripti patrocinio communimus. Nulli ergo &c. nostra confirmationis &c. usque incursum. Datum Laterani Non. Octob. pontificatus nostri anno quartodecimo.

*A B B A T I , S U P E R I O R I , E T
Sacrifice Alcobatæ Vlixbonensis dioecesis.*

*Epist. 120.
Super codem.*

Dilecti filij Prior & conventus monasterij sancti Vincentij Vlixbonensis à nobis humiliter postularunt ut compositionem quam dilecti filij F. Prior & P. Cantor Alcobatæ judices à sede apostolica delegati super libertate, exemptione, ac rebus aliis ejusdem monasterij inter ipsos & venerabilem fratrem nostrum Episcopum Vlixbonensem fecerunt, prout in eorum authentico continetur, apostolico dignaramur munimine roborare. Ideoque discretioni *vestrae* per apostolica scripta mandamus quatinus compositionem ipsam, sicut sine pravitate provide facta est & ab utraque parte sponte recepta, faciat per censuram ecclesiasticam sublatu appellatiois obstaculo inviolabiliter observari. Quod si non omnes &c. usque exequantur. Datum Laterani Non. Octob. pontificatus nostri anno quartodecimo.

*L V N D E N S I A R C H I E P I S C O P O ,
& Episcopo Rigenfi.*

Ad nostram noveritis audientiam per venisse quod Strango civis Lunden. De his per suggestionem fallitatis & veritatis suppressionem in quarto affinitatis gradu, quo suam contingit uxorem, à nobis dispensationis litteras impetravit. Afferit namque quod ante contractum matrimonium gradum affinitatis ejusdem ignoravit omnino, ac sibi vita periculum imminebat nisi cohabaret eidem, quod utique à veritate, sicut accepimus, est penitus alienum. Quin potius, si hujusmodi copula permittatur, quamplures exemplo ipsius ad contractus illicitos aspirabunt, nec ab eis poterant cohiberi. Quocirca fraternitati *vestrae* per apostolica scripta mandamus quatinus vocatis qui fuerint evocandi, si premissa veritas suffragatur, cum intentione nostra non fuerit hujusmodi pretori mendaci dispensationis beneficium indulgere, litteris illis nequam obstantibus, quod canonicum fuerit sublatu appellatiois obstaculo statuatis, facientes quod decreveritis per censuram ecclesiasticam firmiter observari. Datum Laterani vii. Idus Novemb. pontificatus nostri anno quartodecimo.

*C E S A R A V G V S T A N O E T
Tyrasonensi Episcopis, & R. Lain Archidiacono Iaccensi Oscensis dioecesi.*

Ne vinea Domini Sabaoth redigatur in solitudinem ex neglectu, & uanis non valens producere, tribulos gerinet atque spinas, oportet nos in eam mittere operarios, cum ipsam personaliter excolare non valeamus, qui extirpatis nocivis & amputatis superfluis, ac propaginis subrogatis, ad fructus producendum optatos habilem eam reddant. Sanè ex litteris Pampilonensis conventus nostris est autibus intimatum quod cum venerabilis frater noster Episcopus & dilecti filij de' Aries Archidiaconus Oscensis & Decanus Tyrasonensis judices delegati à nobis, Iohannem quandam eorum Episcopum à Pampilonensi Ecclesia removissent, ac sub pena excommunicationis injunxit idem ut electionem de persona idonea celebrent, ipsique carissimo in Christo filio illustri Regi Navarræ mandatum hujusmodi ostendissent, idem id non sustinens patienter, ad sedem apostolicam appellavit, & inhibuit eis ne aliquatenus eligerent sine ipso, graves minas intentans tam illis qui

qui eligerent quām ei qui electionem reciperet de se factam. Propter quod ipsi ultra terminum ad eligendum sibi præfixum eligere differentes , excommunicationis sententiam incurserunt. Postmodum verò redeuntes ad cor , & Deum homini præferentes , absolutionis beneficium impetrarunt , juratoria juxta formam Ecclesiæ præstata cautione ; ex qua sumpta occasione Rex idem totum ferè conventum , præter septem qui favebant eidem , & divina officia celebrabant excommunicationis sententia parvipsa , à regno suo profligis ejecit , personatus eorum , beneficia , ac qualibet bona Ecclesiæ , quæ ad dispositionem pertinebant illorum , pro sua occupans arbitrio voluntatis. Præterea idem Episcopus , defuncto bonæ memorie P. Eximinius mensa ipsorum Archidiacono archidiaconatum illius fretus Regi potentia eisdem contradicentibus occupavit , ipsum M. Petri post interpositam ad nos appellationem assignans ; licet de antiqua & approbata consuetudine Pamplonensis Ecclesiæ assignata archidiaconatus ejusdem simil ad Episcopum & Capitulum pertineret. Propter quod non modicum scandalum est exortum ; quia , sicut fama publica protestatur , dictus M. pro collatione archidiaconatus illius quatuor millia præfato Episcopo præstiti obolorum , & conventus nihil de sua mensa recepit à tempore quo dictus archidiaconatus fuit collatus eidem. Vnde non immerito metuunt quod bona mensa ad nihil redigi debeant , si dictus M. non removeatur ab illo. Ipse namque eleemosynæ ac infirmitaria bona destruxit dissolutè vivendo , & archidiaconatum sanctæ Gemma , cui tunc temporis præsidebat , ignorantे Capitulo pro magna pecunia quantitate pignori cuidam Militi obligavit , quem jam per octo annos detinuit & adhuc detinet idem Miles. Idem quoque Episcopus ad alienationes illicitas manus extensus , castra de Huarch & Montejardin , qua inter bona Pamplonensis Ecclesiæ pretiosissima reputantur , irrequsito Capitulo prædicto Regi concessit , qui ea detinet violenter in enorme ipsius Ecclesiæ detrimentum. In cuius prejudicium præfatus Episcopus , ante latam in eum remotionis sententiam , multa de bonis ejus illicitè alienare præsumpsit , non solum Capituli verùm etiam illorum irrequsito assensu quos ei coadjutores duximus deputandos. Porro præfatus M. quia idem conventus mandato prædictorum judicem paruerunt , in eorum Ecclesia seculares Clericos intro-

duxit ; qui spreta sententia judicium eorumdem , in ipso cum excommunicatis præfatis diuina non metuunt celebrare. Cū igitur sacerdotes Ecclesia sit adeo , sicut affluitur , desolata quod nisi ei per nostræ sollicitudinis studium succurratur , vix adicere valeat ut resurgat , & excommunicatum illorum malitia faciente quasi redacta in solitudinem , spinas & tribulos jam cœperit germinare , discretioni velutæ per apostolica scripta mandamus & districte precipimus quatinus ad præfatam Ecclesiæ personaliter accedentes , & habentes præ oculis solum Deum , ac super statu ipsius inquisita plenius & cognita veritate , aueritate nostra , gratia , odio , & mundano timore postpolitis , ex ea evelatis nociva , & plantatis utilia , ac revocatis ejectis , detis Capitulo eligendi sibi Pontificem liberam facultatem , injungentes eisdem ut vobis præsentibus electionem de persona idonea canonicè satagant celebrare ; ea verò quæ de bonis ipsius Ecclesiæ tam ab ipso Episcopo quām ab aliis alienata invenieritis illicet vel distracta , ad jus & proprietatem ipsius legitimè revocantes , & illa quæ sunt per violentiam occupata cum fructibus perceptis ex eis , sicut justum fuerit , Capitulo restitu facientes , super mensa archidiaconatu prædicto quod canonicum fuerit statutis , in his omnibus appellatione postposita processuri , contradictores , si qui fuerint , vel rebelles per censuram ecclesiasticam compescendo. Nullis litteris veritati & justitiae præjudicantibus à sede apostolica imperatis. Quod si non omnes &c. duo velutrum &c. Datum Laterani Non. Novemb. pontificatus nostri anno quartodecimo.

*EPISCOPO , ET DILECTIS
filii Abbatii sancti Virgili &
Cancellario Parisensi.*

Dilecti filii Abbas & conventus Virziliacensis sua nobis in suavatione monstrarunt quod cū nobilis vir Comes Nijvernensis ab eorum monasterio pro ipsius custodia duas procurations , in Pascha vi. delicer & festo beatæ Maria Magdalena , exigebat annuatim , & in receptione ipsarum ipsum monasterium enormiter aggravaret maxima Militum & servientium multitudo constipatus , iidem mille quingentas marcas argenti super procurationibus illis ei tali conditione mutuò concesserunt ut in unaquaque prædictarum solemnitatum , si Virziliacum accederet , quinquaginta libris Altisiodorensis moneta pro

Epist. 123.
Scribunt pro
monachis Ve
zeliacensibus.
Vide infra epist.

B B b

Tom. II.